

榆次縣志卷十四

舊聞攷

志之為要網羅散軼史公述故重治國聞良有以也榆次事蹟凡有關本邑者備存諸考惟事變所經及諸祥異不能附麗諸考者傳聞有自烏可忽哉茲綜述事變祥異於前並邑之古蹟方言等彙而存之諸所摭皆信而可徵者也

史事

春秋智伯圍趙襄子於晉陽趙與韓魏共攻智伯智伯敗走趙韓魏追智伯殺之於榆次

戰國趙惠文王十八年秦使蒙驁定太原三年復攻趙拔榆次新

榆次縣志

卷十四 舊聞考 史事

一

城狼孟等三十七城

漢高祖七年韓王信友將軍周勃破之還降太原六城後漢延光

元年冬鮮卑攻太原鈔破旁縣掠殺百姓

按史雖無榆次之文然太原六城及旁縣則榆次當在其中

晉劉曜攻晉陽劉琨使張喬拒之戰於武灌喬敗死晉陽太守高

錕等皆降琨屯榆次與左右數十騎攜妻子奔趙郡如常山

按武

灌即武觀在洞渦水側正榆次地灌觀字不同耳又水經注云劉琨為並州刺史劉淵引兵擊之合戰於洞渦即劉曜事之誤

唐武德二年劉武周宋金剛引突厥攻太原齊王元吉遣將軍張

達以百人禦之達以兵少辭元吉強之達忿恨引武周襲陷榆

次

唐天寶末史思明圍太原分兵破榆次已而攻太原不克思明引

去李光弼復之

唐廣德二年僕固懷恩反遣僕固瑒圍榆次其焦暉等殺之

唐中和元年五月沙陀李克用寇太原節度使鄭從讜遣喻安王蟾踵擊之會振武軍使契苾璋至與沙陀戰克用大敗引兵陷

陽曲榆次而退

唐光化二年朱全忠遣氏叔琮自天井關入破承天軍由遼州至榆次克用大將周德威逆戰敗叔琮兵於洞渦

宋開寶元年命李繼勳征太原何繼筠爲先鋒部署至洞渦河與北漢兵遇擊敗之

宋靖康元年金人入寇圍太原攻破旁縣詔种師中引兵救之師

中自井陘進次平定軍乘勝復壽陽榆次等縣回屯真定宰相許翰責以逗遛師中不得已進兵抵壽陽之石坑爲金將完顏活女所襲師中五戰三勝迴趨榆次金人益兵圍之兵潰師中死之先是制置司參謀黃友隨師中軍兵至榆次十里止舍友曰營地非利將三面受敵師中不聽已而金兵四合友被執不降罵不絕口爲金人焚死事聞官其家八人制詞有云緣廟謨之失策致榆次之債師矢盡路窮執節不撓特優贈典以慰忠魂

金興定元年元兵攻太原府下之金晉陽公郭文振署趙益爲壽陽令駐兵榆次重原寨遂帥衆收復太原

金元光二年時元兵復取太原金人來爭攻壽陽王胡莊垂破元都元帥哈刺拔都夜半引甲士十餘人救之天將明金人遁去

按王胡今榆次地此云攻壽陽王胡恐史誤

元至正十九年正月泰不花遣兵數萬鈔掠山西察罕帖木兒遣陳秉直分駐榆次招撫之

明洪武元年大將軍徐達等至北平引兵欲定山西聞元將擴廓帖木兒出雁門將攻保安遂乘虛竟擣太原兵至榆次等縣皆迎降

明正德六年流賊楊虎等引衆掠平陽澤潞諸地至榆次縣南三十里揚言往井陘忽東抵遼州遁去

明嘉靖二十年俺答寇邊犯太原列帳城下遂縱掠至榆次翌年九月俺答復自廣武入犯太原掠榆次西境至沁潞而還

明崇禎五年十二月羣盜王自用號紫金梁由陽城縣竄入榆次未幾劫略東去

崇禎九年陝流賊至榆次溝口諸村知縣任濬率鄉勇逆擊之斬獲頗多賊乃退時有奮勇戰鬥遇害賊鋒者三人千長劉光成練總張登傑賀登選

崇禎甲申三月李自成僭號永昌以三原人蕭恆僞尹榆次日拘紳士富人酷拷責餉五月自成由京師敗西奔榆次人逐蕭恆閉城拒守賊至有生員范惟新者詣賊首乞免一縣生靈賊喜

曰愚百姓不辨龍蛇耳因令范呼守者啓城門守者勿聽賊急
攻頃刻而陷屠殺數千人時搢紳多避亂山谷中賊搜得之執
六人及其妻孥往陝西至明年乙酉大兵定關中諸被俘虜者
始得釋歸初李自成之攻城也有郝士林者素爲邑人所服共
推爲城守官賊已破城士林猶力拒賊爭執之士林不肯爲賊
屈賊腰斬之同時守城殉難者三十九人

張治經

國儒子監生城陷罵賊被害

齊

榘

監生

張治度

國儒姪

趙

芳

堅

守東城罵賊被害

任三讓

桑

苻

祁州俊

李聯捷

王國昌

李塾

侯之翰

齊人道

寇獻瑜

寇獻球

寇永澆

褚延文

李塘

李幹

智大用

褚延寬

李登龍

榆次縣志

卷十四 舊聞考 史事

四

寇省身

寇發身

王瑄

王建元

孫承志

董萬有

李自登

程雲步

張辨

齊文輝

王度宏

翟漢傑

張鳳翔

張運隆

郝龍禎

以上俱生員

侯

祥

鄉試副榜

郝應祺

武舉

王輔國

武舉

又有諸生周諭者方流賊至榆次時闔邑閉門拒守既而城破賊
獲諭責其不跪諭曰我止知有崇禎耳不跪汝賊使人斬之至
死罵不絕口

清順治五年大同總兵姜瓖反賊黨已破交城太谷遂攻榆次知
縣楊三知力禦之堅守六月賊知不能拔乃退

咸豐三年八月粵匪至平陽榆邑戒嚴既而賊從潞安東竄大兵

自汾太一路出井陘口截追過縣境駐兵小西門外旗幟紛然人多疑畏主兵者已去餘兵猶淹留數日乃傳令箭召去同治元年十二月東勇自陝逃回經過縣境擅入市廛取財物訛索無厭是日城中閉門戒嚴東勇去後越五日都統率兵追之至平定乃還

光緒二十六年庚子夏拳匪肇釁當五月下旬榆次城內大乘寺南關顯聖寺有三五貧家子弟不知符咒從何得來頭裹紅巾腰纏紅帶累日面向東南焚香念咒隨卽仆地僵卧醒後如癡如顛稱有神靈附體人莫敢近漸至龍王廟東嶽廟亦有許多頑童相率效尤未及旬日而鄉鎮迷墮其術之羣兒呼朋結伴

後先爭附同時特並有所謂紅燈罩白燈罩諸女童每晚練習咸以保國滅教相號召時什貼鎮有學童三人自稱大二三師兄大師兄姜晉華年方十二奮臂一呼從者如雲於是鄰近團民相率而焚教堂殺教民風聲大作遍地驚駭王胡鎮郝家溝西付村北要店爲入縣城必經之路所過各村逼索車馬村人畏懼甚於虎狼如此騷擾不分晝夜三五日輒一次是年春夏大旱至六月不雨民方爲憂而團民言初四日必有清風細雨至日果降雨三寸初六日三人者面謁呂知縣繼純要求設壇練習可保社稷縣申於巡撫毓賢札諭着加意保護並易義拳字樣改稱義民以什貼有大師兄近進城等村亦有二三師兄及老

師等名稱率皆盤踞城內龍王廟書符念咒儼同尊神凡接見者皆令拜跪否則訶責呂知縣復諭令人民湊貲供給香紙食物銀錢齎送不絕大師兄又恃邪術聞某村有教堂教民或親往勦戮或派遣焚燬於是近城村於六月六日人民終夜喧鬧不甯次日黎明始止後王都要村豆腐莊王村韓村郭家堡等村教民或逃竄無踪或慘遭殺戮而且波及鄰邑如太原同戈柳林莊太谷城內暨南門外所有教堂教民亦被焚毀殲滅時巡撫毓賢讐教特深聞榆次有大師兄立調赴省隆以儀制賚以馬匹一時鄉曲無知靡不艷羨迨七月下旬京師失守孝欽后及德宗倉皇西幸拳匪幻術亦敗露不靈矣次年辛丑夏崔

知縣隼蒞任始邀同邑紳郝光第等整理教案查明各村被燬教堂住宅暨生存教民人數給以銀若干兩其家屬之無人贍養者亦酌給卹銀復與教中馬神父暨牧師等議妥凡教民於何地遇害卽着該地村董社約派貲備棺營葬設靈祭奠至大師兄則立時拿獲送省經巡撫岑春煊列其罪狀處以凌遲其餘助匪爲虐者亦量罪重輕或誅或罰事昭平允其案始結當拳禍亂時車輛^輻村常氏恐亂民乘勢滋擾乃散賑糧予村民並於村中設團練局築土堡推常立教充團長以事出創舉稟請省縣立案並由省垣聘正副教師教以練槍準及步伐諸紀律鄰村且乞聲援均慶安堵年終局乃撤

宣統三年九月初八日太原省光復榆次影響所及人心慌亂時有磚井村人張金魁者藉端嚇詐富戶經村董報縣龔知縣慶雲召集士紳協議主張嚴辦乃縛爲首之張金魁等斬於署門一面出示安民人心乃定復招募外省客民百餘人爲警備隊委邑人桑鼎帶領保護衙署自治公所所長馬繼琮等又倡議招募民團五十人協同警察保衛地方故當時潰兵過境人民未曾受禍

中華民國元年二月沈知事涑生宰榆值三鎮盧永祥協駐晉搶劫時聞甫到任卽召集紳商協議維持地方當時晉省已成立國民總會榆次公舉常旭春等爲總會議員縣中亦組織國民

分會每區公舉議員二人並舉康慎徽爲議長胡桂昌爲副議長先是宣統二年榆次成立自治公所公舉郝光第爲所長馬繼琮爲繼任所長胡桂昌爲副所長至國民分會成立乃將自治公所取消是年六月成立縣議會每區議員六人康慎徽爲議長王念忱爲副議長縣議會成立國民分會亦取消

民國元年三月三鎮兵在北京變亂有潰兵一百二十餘人由正太鐵路逃入晉省省城長官恐在省之三鎮兵勾通爲亂電令路局將潰兵由省返載榆次車既抵站時方夜半沈知事聞變立與國民分會同人封城守禦帶領巡警民團商團上城警防一面派人饋送潰兵食物次早官紳親至車站勸導潰兵繳械

適值三鎮張軍需官亦到乃收潰兵槍械由地方購置便衣帽鞋一百二十套解除武裝由張軍需官及本縣巡官押送至直隸界給餉解散計共費銀幣七百餘元報銷民政長支領然三鎮盧協仍駐晉且聞在霍縣趙城各地有搶殺之訊人心大慌仍須嚴備當時本縣警兵分三派一爲舊警察百人一爲自治公所民團四十人此二派皆土著一爲龔前知縣所招外籍客民一百二十人充縣署衛隊此派多懷發財之念與土著時起衝突嗣經官紳協議將該三派分防城上各守一面並晝夜梭巡防其內變四月三鎮全部東開乃密稟上峯派兵押外籍衛隊出境遣散民團旋亦取銷消辛亥鼎革本縣幸未受害

民國元年五月沈知事及國民分會康議長奉令力革舊制試行新政將舊日縣署房班全行裁撤改縣署爲行政公所尋改行政公署知縣改稱知事分設總務交通警務財政教育司法等科各設科長科員分別理事後併總務交通警務爲民治科合財政司法教育爲四科科長料員均由國民分會選舉知事委任當舉趙鶴年爲民治科科長郝燧爲財政科科長黃友溥爲司法科科長楊謨顯爲教育科科長舊日各項差徭陋規計洋一萬餘元全行取消僅留地丁平餘各種稅捐手數料作爲行政公署經費數百年弊政一朝革去人心大悅旋廢司法科設幫審員嗣又改民治科爲第一科財政科爲第二科教育科爲

第三科三年十月周知事賡壽蒞任廢科長科員延幕賓仍復
清季舊制五年十二月余知事命司禮蒞任奉令籌辦模範縣知
事以下設秘書兼視察事務員內務財政教育實業庶務刑事
問官暨正副收發各員旋廢七年七月改設縣掾屬分承政承
審主計縣視學實業技士宣講等員又民國二年添設管獄員
三年什貼鎮添設縣佐五年改警務長爲警佐八年添設區長
嗣改稱區行政長第一區區長以警佐兼任餘均由省委專員
充之第二區設於長凝第三區設於東陽第四區設於六堡第
五區設於鳴謙十一年改縣佐爲管河縣佐公署移城內十九
年改爲河務委員同年改警察所爲公安局二十一年縣政府

奉令改組分設第一二科承政員改稱第一科長主計員改稱
第二科長縣視學改教育局長實業技士改建設局長宣講員
改爲縣府科員二十三年七月第二科長兼財政局長司法承
審均仍其舊

十四年冬樊鍾秀圖擾山西突由遼縣進攻時晉軍第二路司令
陸軍第十旅旅長蔡榮壽畏葸誤軍事致峻極關蛤蟆灘等處
相繼失守遼城被圍榆次東南八縛嶺與遼和接壤勢甚危急
嗣當局命將出師前往抵禦並劃榆次爲第二防綫凡過往並
駐紮軍隊悉令榆次供應且協濟前防軍食之不足縣長張敬
顯召集地方紳商組織軍事防務處張縣長任總理趙鶴年原

鹿芩任協理又紳商多人分股任事一時籌款項辦糧秣且補修南關城垣並於城上築橫牆背牆掩蔽堡等一切防禦工事在事諸人竭蹶從公昕夕不遑者凡兩閱月雖人民迫於輸將而地方卒能安堵尋樊部敗走餘衆逃散一時肅清潰竄安輯流亡卒使榆次全境轉危爲安皆縣長與地方人士羣策羣力和衷共濟之效也

十五年一月張縣長敬顯奉督辦兼省長令會同地方紳商籌辦城防營旋奉令改民軍營營連排長均按陸軍編制兵額五百名由城鄉按每糧八十石保送營兵一名以年滿二十歲以上四十歲以下奮勇可靠身體強健者爲合格營長魏鵬飛開辦

時購置器械及雜費需洋七百餘元官兵薪公餉項柴炭等費每月四千餘元均由本縣商民分別擔任並於縣署附設民軍營營務處奉委張縣長敬顯兼處長趙鶴年任副處長辦理兩月成績甚優兩月後地方安靖奉令解散

十六年夏山西省工會派吳鏡如許三道高呈五等來縣組織縣工會縣之黨務遂於是萌芽焉是年秋組織榆次縣黨務籌備委員會許三道等爲籌備委員設籌備委員會於縣教育會內未幾中央清黨黨務停頓至十七年夏本省舉辦黨員登記派許三道范銘晉趙光燦閻友石張蔭南等組織臨時登記處辦理本縣黨員登記旋由許三道等五人組織黨務指導委員會

成立區黨部三區分部十計黨員百二十餘人於十八年一月
召開黨員大會選張人駿郭旺王瑯仙史克讓閻友石楊文耀
王宗仁爲執行委員閻錫書張蔭南何椿齡爲監察委員是年
三月執行委員會及監察委員會相繼成立十九年南北戰起
本省黨務停頓縣亦隨之二十年縣務執監委員會一度恢復
工作然不久又歸停頓云

十六年十月晉軍北伐榆次地當孔道大兵過境往來不絕並設
兵站支部於縣城北關徵發大宗糧秣急如火戈縣長芾棠
會同縣中紳商設軍需籌辦處於縣花園以趙鶴年等任其事
又十九年四五月間晉軍南下作戰戈縣長以大軍抵境支應

浩繁復召集紳商各界援照前例在縣府花園設軍需籌辦處
旋奉令改爲徵運局分股任事是役駐軍輻輳行軍絡繹且有
兵站及後防醫院所需糧秣等項賴在事諸人竭力支應地方
得以安堵

二十五年春陝軍東渡擾我晉離石石樓中陽等縣省當道恐勢
成滋蔓命楊縣長如梅爲榆次城防司令防共保衛團柳大隊
長孚甲副之縣長奉令後當召集各軍政長官及地方士紳會
商防範辦法僉以爲值茲公私交困防禦固宜詳盡民財尤貴
節省本斯旨以行庶乎兩全是時也主客各軍駐榆留守者甚
多乃商立軍警憲聯合稽查處以靖焚亂復於縣政府內設臨

時防務處議定規章呈准立案當推楊縣長爲處長柳大隊長楊公安局長暨紳士趙鶴年康慎徽宋啓秀等五人爲副處長紳士楊鼎亨常寶春范丕勛等三人爲名譽處長分設總務城防糧秣三股總務股辦理文書會計及購置軍械等事王科長懋功任主任城防股辦理守禦城關偵探軍情等事柳大隊長楊公安局長兼正副主任糧秣股辦理軍警給養及徵發糧秣等事郭財政局主任耀德任主任（一）徵用民夫構築防禦工事（二）點查各商糧食燃料以實軍需（三）組織民商團以輸送給養巡查奸細（四）發給通行證以嚴出入經營旬日大致就緒更於長凝東陽六堡鳴謙區公所所在地及鳴李永康車站等處各建築碉堡完成戰綫工作城關則內修堞堞外掘池隍城樓敵臺悉行整葺城上並建掩蔽堡三十九處所需磚塊石片灰沙壺等物堆置如山車站附近建有碉堡三座城門隘口均堆積沙袋且恐敵之夜襲也復自製探照燈多盞防禦工程於焉以備先是閩綏靖主任錫山通令各縣組織防共保衛團實行軍事訓練榆次於是年一月成立計分十中隊共有團丁一千一百餘人分駐各區嚴行操練至是奉省令以四中隊留區守衛調六中隊七百人集縣防城連同公安局警士百五十人暨一百零一師留守劉連長瑤琨所帶精兵百五十人統計城關共有戰士千人新式快槍五百支手榴彈五千顆土炮

二十餘門新置來復機抬槍三十九支雙手帶刀三百把火藥二千斤柳大隊長劉連長楊局長均晝夜督率士兵分段巡哨縣長及防務處同人亦不時檢閱以防疏懈比及兵氛竄至交城陽曲縣境此間防務已佈置妥善故雖礮聲震動屋宇村民一夕數驚而官民眷屬之遷避城內者相安如恆卽鄰封富紳男女亦多絡繹來就也惟是正太同蒲兩車站地面遼濶工商輻輳康紳慎徽爲便於防衛起見爰建議由城東北角起分建碉樓連以土垣包圍兩車站迄城西南角止以爲一勞永逸之計官紳僉躋其議遂由閻紳濬文測量形勢繪圖估工計需款約三萬元際此民商凋敝之餘正竭力籌辦間旋奉令解嚴防

務處亦趕辦結束將臨時所築掩蔽堡盡行填平以免浸漬防衛各械借者繳還損者賠償購者給價抬槍火藥刀仗一切軍械分交縣府及財政局保存詳造清冊呈縣備案是役也歷時兩月購置建築等費僅用洋二千零三十餘元邑民未受流離之苦雖國軍圍剿得法患幸未至然亦軍民之和衷共濟而能靜守之效也

祥異

周景王十一年春石言於晉魏榆

按春秋石言於晉魏榆註者未明指其處考晉有離榆亦曰魏榆杜征南云朝歌東有離榆城

石言當在其處若六卿分晉時榆地為魏有因名魏榆則非即春秋所紀之魏榆蓋在今遼州榆社縣北齊復周因魏榆之舊立梁榆縣是也然唐人送林明府詩引石言事則已目今之榆次為魏榆蓋名實相淆而傳稱甚久縣之掌故遂必歸焉故文仍其舊稍為辨析云

戰國趙惠文王時月生齒嚙畢明年秦伐趙取榆次

晉武帝咸甯二年鳳凰集於榆次

唐天寶十四年二月熒惑太白鬪於畢昴間四月乃伏
按畢昴間正榆次之分故特載之

宋咸平元年八月榆次民周貴田禾三莖共穗

元至正二年飢大旱自春至秋不雨人有相食者

明洪武初夜多野火影中若有人物戲弄之狀

景泰二年七月十七日甘露降榆次縣學大成殿前楸樹上是歲
大稔

弘治十年秋大霖雨積旬縣北孫家山南移二里許

榆次縣志

卷十四 舊聞考 祥異

十四

正德五年四月五日五色雲見 七年六月黑眚見居人怖恐每
夕引刀擊鼓以自防旬餘始止

嘉靖元年八月地震者八 十月復震者十三俱有聲 十一月

有白氣亙天逾月始散縣東曹火 十五年大稔斗米二十錢

二十年八月民家生犬耳目各四足有八未幾邊寇入犯

二十五年五月雹如拳殺人畜

隆慶元年大疫死十二三

萬歷六年小峪口山上有聲如雷水驟發漂民舍溺者四十餘人

十年十月無霜晚禾熟 二十七年閏四月三日牛村大雷雨

發民鄭廷豸等男女二十餘人皆沒畜產溺者百餘是秋八月

郝村產芝

天啓三年正月甲寅中晝晦 五年夏不雨禾有收

崇禎十三年旱 十四年六月飛蝗蔽日食禾至盡民大飢相食
十六年三月日午時晝晦

清順治元年大稔 二年春二月靈芝生縣中 六年十月七日
東門城樓火 十一年大疫有一家盡死者始正月至十一月
止 十二年四月邑中地震

康熙五年四月邑中地震 七年夏小兒多疹死 八年三月邑
中地震四月十八日雨雪深五寸禾皆死 二十六年二十七
年均大有年 二十九年春旱至六月乃雨秋淫雨晚禾不熟

多荼民采食之 三十三年麥秀兩歧

雍正元年夏六月始雨晚禾大熟

乾隆十五年大有年 五十二年五月初四日中郝村井中水溢
天大雨雷電屋宇多圯秋大有

嘉慶元年十月上營村王鶴之妻任氏一產三男知縣賜名賀元
嘉元慶元後俱得壽 二年十月初九日天鼓鳴 六年大稔

道光十一年四月初三日黎明王都會寺中火殿宇梁柱悉燬商
賈被災者數十人是日有微雨 十一月初十日大雪深數尺
道路壅塞棗樹多枯 二十三四年婦孺於夜眠時多失髮一
縷恍若有鬼物翦之者其人忽昏迷灌以薑汁始甦間有捕得

者乃數寸黃紙人也羣以爲妖術所致多繫紅絲辟之 二十六年四月二十六日隕霜殺蔬菜花卉禾稼不害

咸豐五年六月初四日蜻蜓結伴以數千計初六日大雨雹殺稼大水損民屋 九年上巳日縣北忽有異獸從西來形似豹噬人後被使趙村數人持農器擊斃之是年旱 十一年正月初三日天雨土其味鹹或曰海燒 四月生茵陳黃花遍地是歲大有年

光緒初連年荒旱至三年大稜濱河居民爭掘蒲根充饑次年春禾苗暢茂蚱蚋旋生五年夏雨霑足晚禾初插復被田鼠傷害時復有狼災三五成羣涂水南北村落傷人甚多居行人人咸

有戒心撫憲懸賞購覓銃手邑城守把總王作棟素善銃法數月連斃三十餘狼其患稍息又八九年間多患纏喉症醫療稍緩卽成不治城鄉男女小兒傷者甚夥十年夏旱甚時有剪髮辮翦鷄翅之謠驗之良然雞卵中有蜿蜒狀人疑其毒棄而不食邑令李教人以孚佑帝君符祛邪謠亦旋止

九年五月十九日酉刻地震有聲又是年八月大雨涂河漲發濱河演武等十九村冲塌民屋千餘間淹沒田禾百餘頃時直東均被水災晉省設東賑局令各州縣量捐以濟鄰省邑令張奉文勸捐不數日富紳捐銀八千餘兩以四千兩解東賑局其餘四千九百兩稟請散給本邑災民民賴以安

十一年冬月二十一日夜半彌天星彩多成彗象紛紛撲逐嗤然有聲

十五年夏六月中每夜流星如矢其大者過而餘光不散

十九年二月朔午刻墨雲四合雷雨大作人皆以爲不祥乃自春徂秋風雨調和各處收穫種大佳雖極饒薄之地亦皆豐收也

二十一年車輞村民家產豕色灰黑鼻如象斃而棄之

二十六年夏六月初白晝見星距日甚近嚮午猶然晚間月之兩尖端忽伸忽縮且有白氣橫貫於月作直線亦異兆也

三十四年夏四月東田村郝玉光妻一產三男又大溝村張建中育一雄雞連日產卵七八枚其形似鵲卵內皆青白色而無黃

食之亦無味

宣統三年秋八月二十日時方近午有星見於日之左下角一連三日皆然又是年九十月間西南方現一彗星每當日落卽斜拖長尾於空際光芒四射經月餘始不復見

中華民國二年夏曆七月十三日涂水暴漲沿河一帶如王村懷仁西長壽演武永康史家莊郝村等五十餘村均被水成災而郝村尤甚民舍農田淹沒殆盡水向村中奔流村竟分而爲二水退後黑沙淤積民多失所一時啼飢號寒慘然可憫同時縣郭官甲渠亦潰決水勢洶洶直衝小東關門幸事先以土石堵塞始向南北分流北抵縣城東南隅魁樓底南則泛濫於縣郭

門外多數農田盡成澤國秋禾一無所餘洵近五十年未有之巨災也

三年夏曆六月初三日黑河水暴發合以澗水沿河各村多被其害鳴李村尤甚廬舍田園悉遭淹沒水退後民悲失所農田積沙厚二三尺久不得復種次年夏季澗水又漲發秋村被災慘狀與鳴李相等

六年夏曆七月初二日王杜村天降冰雹大者如鷄卵田禾樹木俱被傷害又是年秋末冬初流村李化全院內果樹忽重花結實同村植果樹者亦有此事

七年秋大雨傾注經旬不止路輒多生魚霽後凡各村水匯之處

潛伏充物縣西南鄉人民多挑桶攜筐滿捕歸家作食或於街市售賣雖嚴寒冰結魚猶聚伏其下取不竭焉翌年七月蝗災突起由縣東北飛向西南彌天蔽日北田東陽等村農田大受其害土人以爲卽魚子化生云

九年夏曆十一月初七日下午八鐘地震有聲自東北來向西南去全縣廟宇廬舍均大動搖牕櫺亦多震破樹間宿鳥驚飛撲地空際亦呈異色經十餘分鐘始息

十年西付村楊鈺之雄雞忽產一卵如鵠蛋而圓色青黑村人多往觀之又是年夏城內大乘寺街何姓家畜一雌雞忽化爲雄好事者送之省垣文廟圖書館圈以鐵絲籠任人觀覽歷數年

始斃

十年夏曆六月北趙村人於野外捕一小兔一身兩頭兩口鼻四眼耳八足兩尾雖係胎身聯合然亦異事也又是年臘月十五日西河堡武狗成家母羊產一羔一頸兩頭背上有肉鞍狀如橐駝落地而死村衆聞風往觀者莫不橋舌稱怪焉

十一年夏曆四月二十八日黃昏有圓大如球之紅星自東南而西北飛行甚速光彩奪目見者甚衆次早七鐘又聞空中有聲
鼙鼙似鼓土人以爲天鼓響云

十四年舊曆元旦農民王二班卒於東陽北社趙善長家年一百

三十歲爲近今罕見

按王二班王都村人年六十許始受傭於東陽鎮北社之趙氏任事忠勤其主人已三傳而王仍康健受役且偷閒與羣兒嬉

榆次縣志

卷十四 舊聞考

祥異

十九

古蹟

戲詢其年漫應之詢其名老王頭嗣有好事者曲誌之始悉其人爲清嘉慶元年生

古蹟

榆次古城在今縣城北周二十一里漢時築又古城堰在今北關

正太車站東起東風口西迄西風口餘址猶存

中都故城在縣東南十五里一名內都城今合流村西南老孤崖
舊傳有城或卽其處

信都城在縣東十八里宋圖經縣東鄉嘗名信都後改來暮鄉

武觀城在縣西南二十里陳侃村北一名武館城他書或作五觀

武與五觀與館音近相訛水經云洞渦水至武觀城而北晉盧

諶征艱賦云徑武觀之故郭問厥圖之遠近諶爲劉琨并州從

事正經其地後無跡

褚志與省志古跡並載武觀城然不詳其所出按竹書紀年王放武觀於西河又曰武觀以西河叛又曰武觀來歸武觀王弟

也乃夏啓時事或曰其弟有五故謂之五觀武觀城正其遺處

縣東北什貼鎮有藏山廟其所祀之神俗傳爲代趙武死者土人呼爲大王且謂前朝常加敕封鄉民祈禱亦有應

鑿臺在縣南郭村史記韓魏趙殺智伯於鑿臺之下後爲洞渦水所沒址微存

省志作鑿壺誤

龐涓洞在縣北二十五里蘇村南澗河崖上世傳涓常居此習兵法今洞存人不敢入

馬喊坡在峪頭村俗謂龐涓引兵經此故名

東區蓮子腦村相傳有廉頗墓及所遺甲冑每歲夏間出晾村人

榆次縣志

卷十四 舊聞考 古蹟

二十

甚爲敬仰

晾馬臺在聶村土人指爲南國公晾馬處

蓋聶遺墟在縣北聶村

廢臺在縣東五十里張坪村相傳石虎時冉閔爲并州刺史常置

臺壁以禦秦寇後無跡

長甯壁在縣東十里北魏李長甯居此後改長甯寨今其地有元和觀觀東北崖上乃昔人避兵處雖壁寨已毀而地道猶存

區堂壁在縣東南三十里北魏傅區堂居此後改福堂村寨內鑿窟數穴樹木叢茂形勢險阻可以避兵今尚存在村東道場溝

內

洞渦府在縣東八里源渦村又長甯村有長甯府皆唐貞觀中建

以居府兵者

按唐時太原置府十八榆次有其二

鬪雞堆在西郝村東南三里劉志傳爲宋太宗鬪雞處

按此非宋太宗事史稱後

唐莊宗好鬪雞莊宗與梁戰數引兵過此是其遺跡誤傳爲宋太宗耳

鐵冶在縣北五十里陰山下鐵冶溝古出鐵鑛宋時常於此置沿

今巨石堆壘遺跡尚存

鳴李村土井俗傳五代漢昭聖皇后李氏微時於此汲水灌麻今井廢已久

見子坪圪垛在見子北頭村南寶真寺前相傳爲宋初鄭恩所居之地迄今破窰尚存寺西有望兒塢相傳恩未遇時家貧賣油

榆次縣志

卷十四 舊聞考 古蹟

二十一

日往返於由王胡至太原之小官道今人所稱賣油道者是母

因恩性豪俠精武技遇不平事輒揮拳相助懸念異常每日落

不歸卽登塢瞭望塢因得名云

俗傳鄭恩字子明嘗從宋太祖戰伐有功人以其勇而慧也皆以魯呼之並傳有董遠橋在長

甯涂水之間謂是鄭恩行兵處然不見史傳姑附記於此以俟博考焉

重源寨爲金末守將趙益築此屯兵以與元人戰謀復太原府者

後爲崇元村土人稱崇之府有校場遺跡

採風亭在城北邑厲壇東勸農亭在郭門外二亭皆明嘉靖時知

縣俞鸞建今俱廢

明嘉靖時御史周鈇清節絕世今所居之張慶村尚存石槽一爲

當時飲馬之遺

懸窰在王胡東八里許明嘉靖十八年居民鑿土窰數孔內塑玉皇諸神并磨俱全至萬歷十四年河東王府夫人王氏與男輔國將軍重修洞屋並增塑菩薩羅漢至今有碑存其間
源渦村慈雲菴有木碑高丈餘闊四尺字如銀泥漆其面如新數百年古物也僧海金撰文不甚佳而其中有一偈可玩
鳴謙驛聖壽寺東大正殿前有井康熙中乘輿幸晉供奉官取此井水以充用覆以黃龍之袂鄉人遂指爲御井加貴異焉
榆石亭春秋傳石言於晉殆不可知清康熙中清苑劉星知榆次事託言感夢指城北沙溝道間一巨石謂卽春秋傳所紀載之以車立於縣西門路旁而覆以亭且鐫其上

古柏臺舊爲郝祺宗祠在城西南隅五舖其間古柏陰翳地勢幽靜名師宿儒多設教於此後屋宇傾圮樹亦槁斃無存廢址遂售於王姓建舍築廠爲磨粉釀酒之所焉

西見子村宣乘院門外有古槐一株高約六丈粗五圍此院建於唐咸亨二年當時已有此槐蓋千年物也又李方村二郎廟有古松高七丈粗四五圍皮色蒼老較宣乘院之槐尤古

明正德時侍郎寇天叙萬歷時尚書褚鈇崇禎時御史張養三公遺像均由其後人保存於民國十二年攝影存諸縣圖書館又褚尚書所搢之笏亦由其後人珍藏之

縣城內延壽寺過殿有宋黃庭堅行書聯文曰滿院木樨香慧根
人也聞鈍根人也聞却被那撲鼻秋風牽逗出真如性蒂長川
寶筏在早來底也渡遲來底也渡穩坐着可船明月都引看彼
岸蘆花

縣城隍廟內有明祭酒閻樸題額文曰玄鑒樓武舉人壬甲題額
文曰城隍殿大學士張瑞圖題額文曰城隍廟

縣城內衙門街褚尚書府匾額爲明董文敏公書府內恩榮堂及
恩光共被爲褚鈇親書補天蚤服爲褚應于書三楚秉鉞及湖
南鎖鑰爲清李粹然書

德音村顯聖寺內有清初胡衍虞楷書聯文曰夜裏踰城跨一馬

到雪山冷地劈開繾綣情緣不亦烈乎真是皮包男子骨星前
悟道駕三車喚火宅癡兒賜與希奇玩好何其殷也直應懷抱
老婆心

使趙鎮南堡爲明祭酒閻樸題額曰趙村堡

龐志村崇信寺過殿有傅青主書聯文曰如來來而不來佛來早
我來遲咄都爲魔說妙覺覺而非覺性覺真情覺妄噫誰是解
人

什貼鎮千佛寺舊藏傅山書金剛經墨蹟爲夏知縣慎大借閱賺
去

東陽鎮皇覺寺有月上珠明玉皇廟鐘鼓樓松風水月僊露明珠

德音村太學生郭企門匾摩挲石鼓均傳山真筆

南關顯聖寺內神龕背後有木刻韋陀贊爲邑人王系撰並書其辭云邪不可長教不可荒維此菩薩三寶之坊中和以慈外嚴而剛阿僧祇劫永護法王

縣署大堂中懸一聯云劇暑悲難渡清秋喜卻迴爲清康熙四十二年六飛巡晉時書賜知縣祖良材者良材以宸翰難邀爰雙鉤恭刻敬懸廳事云

東陽鎮大寺文昌財神各廟匾額屏門多里人趙鶴筆龍蛇飛舞較紙書尤佳又縣城隍廟街財神廟匾財源宗主亦爲趙鶴書縣考院曾公祠爲邑人常立方書威毅伯曾公祠爲邑人郝彥聖

榆次縣志

卷十四 舊聞考 古蹟

一二十四

書明經取士爲邑人王希晉書再造無極爲邑人張映斗書皆一時名筆

塚墓 附

周智伯墓在縣東南三十里神頭村今名存而墓不可考

俗傳趙襄子殺智伯

取頭為溺器國人哀之刻木為首以葬故名其地為神頭云

北魏左僕射郭祚墓在縣東八里源渦村今大壟尚存

東魏龍驤將軍杜何拔墓在縣東南麓臺村西北三里許

北齊白顯墓在縣北要店村墓前有石羊二

北齊司徒中書令韓軌墓在縣東北韓家寨北二里許傍有四塚不知爲誰

北齊可朱渾元墓褚志云在縣東源渦村今不知處

北齊祁丞相墓在縣之西祁村微址存

唐太保李良臣墓節度使李光進墓太尉李光顏墓均在縣北使

趙鎮良臣葬其中光進居右光顏居左有神道碑三通岬立於

外初良臣碑已折清康熙中署縣事洪璟使人合之而覆以亭

其二碑則乾隆十四年里人閻繩武等復建亭為護知縣錢之

青記之道光年里人閻慶元楊毓藻等復修

餘詳藝文考

唐金州司馬張行墓褚志云在縣城北今不可考

唐郝忠墓在西塢村西南一里許

五代樞密使趙玘璠墓在郭村

按褚志玘璠後魏人官至樞密使不知樞密之稱始於唐末宦官後魏安得有此官耶璠蓋復五代周臣

耳其官贈太師

宋王府君墓在三徙鄉郭社里皇祐五年冀膺撰誌銘尚完好其

裔孫鄉進士王紳續刻於熙寧十年今藏北門外聖母廟

元登封尉杜懷玉墓在中杜村西南半里許

元教授胡巨源墓在縣東南二十里莊子村

元平晉尹康庸墓在龍白村西南三里許墓前有石獸四石人二

石柱二石碑一刻曰承事郎冀甯路平晉縣尹管本縣諸軍奧

魯勸農事康庸之墓至正七年二月立石

元贈清源尹孟祥墓在福堂村南翁仲猶存

明晉端王墓在岡頭村西南

明晉簡王墓在岡頭村西

明晉藩新化恭裕王墓在蘇村西北

按明高皇帝第三子桐封晉王國太原是為晉恭王恭王五世孫為端王端王無子以再

從子新璵嗣是為簡王簡王薨於萬曆三年歷二世其曾孫由桂嗣自恭王至由桂凡九世國與明俱亡其系秩然無裕王者惟恭王曾孫莊王子奇源未立追諡靖王靖王庶子表榘封新化王諡恭裕則劉公續志所稱裕王者是

晉端王妃王氏墓在岡頭村南

晉端王夫人院氏墓祔妃墓側院氏有孝行請於朝封為夫人山

西按察副使雲間陸深撰碑今尚存

明兵部侍郎寇天叙墓在縣西北三里

明御史贈光祿少卿周鈇墓在縣南西凹之原

明河南汝寧府知府羅元吉暨光祿寺御膳房署正羅元祥二公

墓均在羅家莊西北官道富家窰距縣二十里有奇

明贈太子少保戶部尚書褚鏞墓在縣西南三十里楊安村西墓

前有雲南巡撫吳定所撰墓石表

明贈太子少保戶部尚書褚大全墓在鏞墓東南墓前有吳郡歸

有光撰墓石碣大理寺少卿楊四知撰墓誌銘

明南京祭酒閻樸墓初在縣西北古城之陽中華民國九年因北

近鐵路南臨紗廠恐年久蕪沒乃移至使趙鎮東南距縣約七

里許

明大理寺評事陞陝西參議兼署漢中道桑維高墓在縣稍東北

一里許鐵道北古城之陽與官道南桑芸神道碑相對

明京兆尹李敏墓在中郝村南岡

明太子少保戶部尚書褚鈇墓在縣西南十五里修文村南墓前有明賜進士及第翰林院修撰崑山顧天峻撰墓表左春坊左庶子唐文獻撰志銘神宗誥勅並祭文祭品均勒石誌之

明兵科都給事張國儒墓在源渦村西北

明布政使寇陽墓在天叙墓東南

明贈御史張九河墓在縣北三里許王胡之陽

明刑部郎中褚應豸墓明江西萬安縣知縣褚應蛟墓及清湖廣巡南兵備道褚應于墓均在鈇墓南

清布政使桑芸墓在縣北東聶村東北圪針溝

榆次縣志

卷十四 舊聞考 古蹟

一十七

清山東昌樂縣知縣王系墓在西塢村東地名北榆林距縣十里許

清四川布政使李如蘭墓在縣西北十五里鳴李村東

清四川川南督糧道王燕堂墓在縣西北二里許

清副榜閻南圖墓在縣東北五里許小王胡村官道西南墓前有晉撫栢麟題詩人閻南圖墓之石碣

清江西撫州府知府李馨國墓在縣東北十五里郝家溝村官道西

清建威將軍湖北提督張彪墓在縣北左付村西北里許使張村古墓在村西百步許不知何時塚

藺交古墓在北藺交村西一里許北崖上穿石爲壙壁有字皆漫滅內惟咸亨四年歲次癸酉猶彷彿可識今剝落無存壙中遺像一今建藺相祠

黃子陂在鳴謙東三里土人掘地毀古壙見古骸長丈餘或卽黃子者因掩之

東賈村西南荒草灘佔地四頃有餘內有古塚二高丈許周約二丈俗傳爲龐涓墓一係真塚一係疑塚但無確據然信非三五百年間墓

清末修鐵道時開一古墓內壙純以白石築之畫紅彩花紋因無刻誌不知誰何乃掩之又修汽車道掘得瓦器多種有一罐內

貯穀麥色皆黑識者謂是漢物外黑白瓷器則均宋物俞縣長家驢送之省垣圖書館存儲焉

民國初年縣西門外土人掘地發現一瓦棺

車輞村傳教寺西北有古墓相傳爲王墓有人入盜得玉帶出則蛇也後無敢探者今其蹟尚存

清初縣令耿宗舜墓在東關八蜡廟之東北隅初宗舜爲令時多惠政民甚戴之有女字張運通後陞荊州府同知調署贛州府罷職後復來榆將家焉逾年卒遂葬於斯子如綸官忝將歿亦祔於此後子孫不知轉徙何地而城外坏土猶存榆人不忘其遺愛相戒勿侵削焉

方言

榆次方言質重其發音率脣微侈舌抵上齒或動脣皆特徵也若其東近於遼縣榆社和順東北近壽陽南及西南近太谷西近太原則語隨以移惟北則與縣城無大殊異茲以縣城為述依類存錄云

其別讀者為韋傀隈讀窩吹垂讀槎悲卑讀波知讀周遲池讀仇規歸讀鍋葵魁讀科麾揮讀和碑杯讀波誰書舒輸讀梭錐追讀

左讀平聲兒而讀怡舌微出上下齒發音不陪讀坡綏讀如窩合音梅讀磨非飛

讀夫窩合音盧讀樓奴讀納歐合音堆讀塚奢讀失阿合音蛇讀尺阿合音諧斜邪些讀閑街皆讀尖嗟讀捐茄讀兼耶讀延爹讀

榆次縣志

卷十四 舊聞考

方言

顛歌讀格以弇合音脣侈齒開舌微出發音凡上去聲準此稱

讀仇坪讀陂晴讀霽青讀期聽讀提餅讀比映應讀意明讀迷鏡讀記則鄰近口頭俗語也凡語首表異者曰若若若曰若指人

地物事曰那指近日這些閑讀指遠曰那些語尾屬已往重讀曰來

上聲輕讀者則有疑而未信意南區東陽鎮鄰近讀曰啦由東陽而

西則曰咧長音重頓曰啊南區曰呀以輕讀示疑短音質問曰啾

未定曰吧重問曰怎則讀地膩讀月日月明迷讀星日星西宿秀小雨

曰麻繩繩雨亦曰忽星西電曰打閃虹曰起絳雷曰響忽雷迴風

曰旋去聲風兒雨甚曰單繩衫讀大雨霧淞曰樹稼吉日曰好工夫正

月讀周月清明日期迷冬至曰過冬本日曰當去聲天明日曰早期

昨日日夜來

埴土埴曰峪峪板壞土曰沙沙土高者謂之坪平者謂之川窪者謂

之圪洞土塊曰克刺塵曰當土亦曰烝土煤膏曰泥搏端屋曰蝸

鍋讀如舍讀平中霽曰院兒此屋彼屋曰這行廂讀如那行廂北曰

正讀周煙去聲囱曰烟突讀如指定地方近處曰這兒遠處曰那兒前

頭曰前尖頭兜

父曰爹顛母曰媽祖父曰爺延爺祖母曰娘娘曾祖曰老爺爺曾

祖母曰老娘娘伯父曰大駝爺伯母曰大娘叔父曰伯擺伯叔母

曰孀孀兄曰哥哥讀如各以延合弟曰隨弟 母之父曰老爺延母之

母曰老娘妻曰蝸鍋舍的亦曰家裏的亦曰婆兒波長曰老伴

榆次縣志 卷十四 舊聞考 方言 三十

兒妾曰小小互稱曰夥計近曰咱們遠曰他們上謂下曰你聲平們

切近者曰阿入們稱長者曰老朗家幼者曰蠻兒老人強健曰結

硬念小兒佳者曰奇七特塔否者曰不奇特曰含砵曰昂臧女佳

者曰可客喜去愛曰待見心地明白曰機吉靈不明白曰糲糊亦

糊塗又曰迷茫慧曰精稽明迷愚曰愣癡曰憨奇怪曰日怪

頭曰頓顛老額曰崩頭兩鬢間鬢間眉曰眉毛睫毛曰眼睫毛瞳

曰眼睛稽人子耳曰耳朵口曰嘴矩牙曰牙娘洩曰鼻不涕嚏曰

涕歎津曰唾沫咽喉曰頰子頸曰脖項去其後曰燕兒窩前中

為引嚙食管曰鶻突系胸曰脯連子乳曰奶頭兒臍曰臍不臍兒

肩上曰肩脯亦曰脯子臂曰骼膊腋曰骼肋間肘曰骼紐膝曰

骼膝蓋亦曰骼地跪塊讀垢曰黑皴純讀痂耳垢曰耳柴碎讀目垢曰膿

眇支讀鼻垢曰鼻涕身毛曰汗寒讀毛指甲曰指入聲殼臀曰尻蛋子跔

者曰背鍋子跛者曰拐子行曰走奔曰跑取曰荷上聲亦曰召手執

曰荷踞曰圪鳩負曰措抱兒曰襁睡曰瞌睡梭去聲醒曰覺去聲來夢

曰夢見嚙曰睡說魘曰睡納藏曰圪鑽專讀察曰打聽提讀

帽曰帽帽子襪曰涼襪子半臂曰坎肩馬褂之袖窄而有襟者曰

鵝翎袋著體之半臂曰汗托子其袷或棉者曰主左讀如腰子抹胸

曰肚肚小兒圍頸曰袷盼讀如袷腿帶曰袴足兒劇曰杓木製曰木

杓杓曰柳柯耙升曰奢子斤曰鏊子鉋曰推杷罷讀如兒鑽曰突轆

鑽盛物柳器粗者曰勃籃細者曰叵不讀羅落讀籃曰簍子兀曰坐褥

榆次縣志

卷十四 舊聞考 方言

兒杓曰屬子匙曰調羹兒嬰之口小者曰罈罈口大者曰海海甌

曰甌計讀如兒鍋蓋之平者曰鍋柏拍兒醋曰湊煮曰左草團曰草拍

兒杖曰拐棍兒短而粗曰二倍樞曰棺材推車曰不朗兒鐙曰鐙

樹去聲兒燭臺曰臘簽子

赤棠日棹子沙棠曰果子桃曰桃刀讀如兒杏曰杏線讀如兒蒲桃曰葡通讀如

萄刀讀如萊菔曰蘿別兒芥曰芥箭讀如子菘曰白菜蒜苔曰蒜挺子

諸曰紅薯瑣讀如馬鈴薯曰山藥蛋波菜曰青期讀如菜甘藍曰玉蔓

菁稽讀如其葉曰擘上讀偏聲藍南瓜曰番瓜青椒曰辣角角王瓜曰黃

瓜

鳩曰班鳩兒鳩曰木鳩兒雀曰家雀讀如巧凡鳥皆呼為雀兒鴉曰聒聒油鴉

鷓曰夜讀如燕 貓鴨曰惡子 鵲曰惡鵲子 鴉曰黑老昂 鳴曰昂讀去

老鴟亦曰簸箕片 鷓曰麻札兒 脊令曰紅靛兒 藍胸者曰藍靛兒

田鳥善鳴者曰麻麻曰大角角曰黃栗留 山羊曰羖讀如骨 羴讀如骨 羴讀如骨

鼠曰老瑣讀去聲 龜曰鍋兒 蛙曰蛤讀如黑 蟆讀如忙 鼈曰青雞 蟹曰螃

蟹讀如線 蚯蚓曰曲鱧 蟋蟀曰趨趨 形似而大者曰賣油 老草蟲曰

板擔讀去聲 婆蜚 蠹曰叫蜚 蜚有尾者曰叫油子 莎雞曰蕎麥翅 螳

螂曰吃癩蟲 蠖曰爬沙亦曰錢串子 伊威曰汗板 蟲蟬曰秋涼

蟲 兒子子曰倒跌 跌亦曰圪斗兒 樗鷄曰灰秀才 蜣螂曰屎爬牛

鼠 婦曰婆婆蟲 蜥蜴曰蛇食兒 守宮曰蠍虎兒 蝥蛄曰核桃蟲 蠅

曰蟻子 瓢蟲曰花大姐 小蟲之無名者概曰牛牛

凡形容用疊字如明亮亮地 黑洞洞地 寬敞敞地 窄狹狹地讀如曷

硬巴巴地 軟嫩嫩地 糟淋淋地 鮮淨淨地讀如計 地諸如此類不一而

足

鄉間俚詞甚多 就其有韻有體近於勸懲之義者略錄如左 蒿讀如蒿

麥三稜 黑豆扁皮 男兒不嫌便是好妻 花花公雞雞 帽帽草 鷄管

了 今日不管早期 一家說話 一家有理 兩家說話才見高低

家有賒賒蟲到老不受貧 要飽總是家常飯 要煖還是粗布衣

三日學好不能好 一日學壞就壞了 不怕不會做單怕會不做

吃煙喝酒全把式 無怪其人難度日 小時不補到大尺五

教子嬰孩教婦初來 不受苦中苦難爲人上人 人人都有帝

王想無人納糧做不上 寧看強盜捱板勿看強盜吃飯 讓人
吃飯看人緊慢 雲裏日頭後娘指頭 燒的紙多惹的鬼多
不吃一虧不長一智 在家千日好出門一時難 上樑不正下
樑歪 有錢買的鬼推磨 打狗要看主人面 與人方便自己
方便 打心俏惹人笑 龍生龍鳳生鳳耗子生兒會打洞 猫
養猫親狗養狗親毛猴養下猢猻 惜孩兒壞孩兒 在家不救
月出門遭風雪